



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五一八

求是堂詩集二十二卷 胡承珙撰

一

求是堂文集六卷首一卷附駢體文二卷 胡承珙撰

一九一

求是堂詩餘一卷 胡承珙撰

三四九

東蘿遺稿三卷 陸損之撰

三五五

欲起竹間樓存藁六卷 梅成棟撰

三八一

日下賡歌集十卷艷雪軒文稿一卷艷雪軒詩存四卷 龔守正撰

四四三

道光十三年刊

求是堂詩集

本宅藏板

求是堂詩集序

詩三百篇垂諸經顧窮經與攻詩往往分途而不相涉漢經師闡發微言專求博奧詠詠則闕如而蘊李河梁古詩十九首皆非儒者之作魏晉下七子競爽沿波潘陸逮南朝賴謝之倫羣尚華藻而經學疎矣唐初孔賈沈宋判若冰炭開寶間經日衰詩日盛直賅一代何則詁訓名物文叢語繁註疏家每苦詰詘至抽妍騁秘憑虛而構率憚別爲探尋由是性既偏嗜功難竝營雖通士尠克兼及者余友胡墨莊觀察少以詩賦鳴有清新俊逸之目比登第喜於經籍中精研考訂晨昏靡間著述斐然意不欲沾沾言詩即詩亦愈進蓋君習毛詩最久沐浴溫柔敦厚之教確知指歸轉增益神智激彼芳潤殆猶炙輶嘗觀司空圖詩品多取興象嚴滄浪之說務在不著一字盡得風流其弊卑者淪滑調高者墮禪機勦襲雷同毫無變化惟杜陵自道生平曰讀書破萬卷下筆如有神推原厥旨必先事閱覽書味積胸然後涵邈而吐滂但恐填滯運思匪靈所以貴能被也而竟謂詩具別才不關學問豈篤論哉君詩音節悉本唐賢使典尤鎔其膏液棄其渣滓譬如大匠築室采楸雜施人第見美哉輪奐而莫識其鉤心鬩角之處又如善御者磐控縱送範我馳驅而水曲交衢和鸞自協

序

斯固才也實學所兼濟故體安以雅辭麗以則而寄託遠
深詩之正聲庶幾弗墜曩官京師曾偕余頊宣南社會每
成章同儕傾挹以爲有根柢歸田後謨製稍稀去秋病劇
始親定求是堂集若干卷竊念君早謝時榮就名山之業
鄉間問奇漸開門徑屢蹇如余尚幸互切磋商質經義暇
輒唱酬爲樂乃一旦長逝竟暈丹溪黯焉減色余遂落漠
寡懽趣回憶石巖蕭寺浩歌明月時茫若夢境此不能不
撫遺編而累唏者也道光十有三年歲次癸巳夏四月同
里姻愚弟朱珩拜序



墨莊先生像



徐幹敬繪墨莊先生像

墨莊先生像贊

珥彤金馬分節封圻臨政
則澤侔春露研經剝照奪
青藜繼鄭毛而踵起方賈
孔而肩齊迺威儻抑二退

然如不勝衣君子盛德容
貍如斯非
先生其誰有之

道光癸巳中元後五日

江陰汪道平拜題



求是堂詩集總目

卷一

悔存集 古今體詩八十四首

卷二

哀蟬集 古今體詩一百十二首

卷三

頁米集 古今體詩一百三首

卷四

授經集 古今體詩一百十六首

卷五

計偕集 古今體詩九十一首

卷六

倦遊集 古今體詩八十一首

卷七

結秀集 古今體詩五十三首

卷八

家居集 古今體詩五十九首

卷九

藏海集 古今體詩五十六首

卷十

總目

十一

寄藤集 古今體詩三十九首

卷十一

喻領集 古今體詩六十四首

卷十二

喻領後集 古今體詩七十一首

卷十三

道山集 古今體詩六十首

卷十四

銷寒集 古今體詩六十六首

卷十五

總目

二

賞春集 古今體詩七十八首

卷十六

西臺集 古今體詩七十七首

卷十七

東瀛集 古今體詩九十一首

卷十八

歸田集 古今體詩七十首

卷十九

歸田集 古今體詩五十九首

卷二十

歸田集 古今體詩五十二首

卷二十一

歸田集 古今體詩三十四首

卷二十二

歸田集 古今體詩二十七首

詩餘附存

總目
涇東溪頭都漱芳齋湯左之刊
三

求是堂詩集卷一

梅存集

涇縣 胡承珙 墨耕

夜坐有感

讀罷殘編睡不成坐聽簷鐵響鏗鏘英雄未必無天幸仙
佛都難免世情星斗入秋垂瘦影關河連夜發寒聲誰家
燒燭圓珠翠牆角依然卧短檠

詠史分賦

誰解窮途哭未休非關作達故沈浮永嘉南渡須臾事早
卜新亭泣楚囚

右阮籍

卷一

明珠美玉可憐生洗馬丰神絕世清不信竿車眞看殺幾
人著眼最分明

右衛玠

尋李太白萬家酒樓遺址

聖玉遺墩傍彩虹萬家邨畔酒樓空精牀恍滴檐前雨帘
影虛搖竹外風芳草春袍新樣綠桃花潭水舊時紅經過
不惜金龜解判付浮生一醉中

依稀孤館翠微巔斷檻荒垣碧蘚連聽去踏歌明月岸到
來寒食杏花天登臨卽事成今古風味何人辨聖賢悵望
騎鯨消息斷夕陽邨落起炊烟

水西夜汎

扁舟乘興往水月共沈浮古渡人誰喚諸天景自幽鐘疏
煙外寺燈隱竹西樓解纜滄波迴前灘發棹謳

敬亭山謁姜貞毅公墓

鬱鬱青松寒蕭蕭白日暮徑僻花草香姜公此邱墓勝代
丁未造廷臣肆詆忤宜與再柄國狼籍恣賄賂誰與煽妖
詞巧欲梗言路二十四氣中賢否固異趣詔下窮根株鉤
連轉多故先生何堂堂扳閣遂抗疏逆鱗一以披雷霆震
奇怒豈不識忠直禍性乖舉錯嫉時旣恚憤知過復迴護
思陵十七載坐此卒貽誤天王自聖明臣罪不可恕賊氛
逼畿甸垂死宣州戍家燼國亦傾寸心裂誰訴痛哭胥江
濤欲效汨羅赴哀哉易簣辭血淚灑成句骨葬敬亭雲魂
飛萊陽樹華表久荒沒殘碑衰草仆恍惚魚山翁英靈尚
來去

少年行

白面醉顏酡新豐市上過也知相識少只覺不平多代馬
咆風立吳鉤帶血磨頭顱三寸在欲贈向誰何

寄友

去年共住陵陽郭薄泛雙溪燕尾分紅袖筵前將進酒青
燈客舍細論文秋風幾度眞成夢舊雨相逢獨少君欲寄

卷一

愁心付國廟何人爲畫敬亭雲

勇里懷古

伏波棄隗囂淮陰奮廣武丈夫擇君事意氣重相許子義
青州豪勇烈早爲伍間道劫州章笑圍赴文舉信義秉風
姿所從非其主猗兒橫江東二十健如虎神亭始相識英
姿颯眉宇魚水會有緣面縛坐軍鼓遂忘射鉤讎談笑託
心符歸命期立竿前驅看負弩英雄共大業豁達各千古
有子如孫郎不死羨討虜雖遭白龍殃終啓赤烏祚建昌
老都尉託身已得所阿瞞寄書來當歸不須貯至今古戰
場雄風尚飛舞寶氣衝斗牛舊劍蝕塵土土人曾於此地掘得古劍事載

卷上

二

邑志 緬懷知己感傾心快先觀一諾已捐軀焉肯歸黃祖

夏夜讌集

小園經雨爽虛牖趁宵開流水穿花徑明河落酒杯靜窺
雙鵲宿涼逼一螢來折聖談何厭相逢歲幾同
空庭交待藻幽壁掛藤蘿四座澹無語好風時一過星光
疎動竹露氣潤歸荷不是傾家釀其如良夜何

山莊曉起

小牕天曙早戶外白雲深虎跡新泥印鵲聲古木陰寒烟
生野井秋色入遙岑昨夜狂風雨應吹葉滿林

送舍弟之漢陽

長汝無多日難忘總角心十年常共被千里忽分襟芳草
自春色飛鴻無定音誰能量別恨應比漢江深

題龍神獻佛圖

東香國有無云在裊海外如來轉法輪空中喧梵唄普聞
獅吼音畢集龍華會何人工白描作此殊狡獪妙相湧豪
端神光透紙背應真競飛錫瑰偉各殊態大首佗欺偲出
目驚睚眦背牟尼體常圓筆筆色不壞定力扼猛噬蹴踏波
浪碎紺龍垂豐胡青猊圻巨喙聲聲角何膺颯颯齒復齟
百獸皆曼延梁陸逞奇怪咄咄阿羅漢小乘頗自載我佛
歡喜相獨得大自在半偈持妙明合掌空掛礙諸天禮焉

卷一

四

王祥雲擁後隊氤氲五色香飄飄七寶蓋慈航一以駕滄
溟渺帶芥天風何雷破海波何汪濺遙望金銀臺蓮花散
奇采儼忽開驚龍豁若雙流對萬頃澄玻瓈玲瓏絕埃壘
罔象隨天吳閃屍走狼狽冰夷擊鼉鼓靈胥曳霓旂龍君
搢玉笏見佛卽膜拜海童猱以猗尻睢紛負戴古器雲雷
紋不辨鼎與敦龍女妖且詔明璫結翠珮珠盤擎火齊珊
瑚潤紅肺簇簇隨神君鞠脰不敢退祖龍昔東巡一邀龍
神話左右圖其形神怒岸崩潰今我展此圖却笑佛力大
萬寶獻峰臺百神皈象戒大瀛環九州安得此世界將毋
畫工意祇博俗目駭狗馬難爲工鬼神易爲態杳冥惚恍

中豈必入三昧何如顧虎頭維摩壁上繪

題四絕圖

三代以下藝勝道史傳往往聲名垂琴棋善者推聖手書
畫不妨顛與癡古今所稱絕妙技良由專擅兼者誰何人
不廉概將去乃以丹青條貫之琴聲棋聲兩清絕紙上髣
髴聞如斯解衣磅礴得書勢畫中之畫無聲詩人物點綴
各生動貌閑神古非凡委作者想已臻妙品乃以心手相
摹追四端一理畢融會不然精神意態濡染何淋漓當今
藝苑風流歌廣陵散絕無人知平生粥粥少能事豈止擔
囊與着棋定應夙世匪書聖况復前身非畫師就中勝技
擇取一惟有無弦之趣稍能窺春風不用彈且鼓奚囊古
錦常相隨安得焚香煮茗展此卷恍如獨立空山風雪時

石巖山秋夜玩月

明月不滿尺流輝盈我堂坐久溼衣袖宛在池中央庭前
一以望皎潔凝嚴霜峯巒靜夜氣草木浮清光碧雲渺無
際所思天一方我欲夢游仙飄然歸帝鄉廣寒清虛府踏
臂歌霓裳素娥隊如雲招招同迴翔授我瓊華笈飲我玉
液漿珊瑚鎖子骨冷泠冰雪腸因之乘長風倏忽遊八荒
安能事膏油著書仰屋梁

白秋海棠

斷腸人去後寂寞幾黃昏不奈瑤階畔還留玉筍痕春風
既無分明月獨銷魂秋色誰家早相思正掩門

恍惚聞彈指烟深何處尋數枝含露冷終日傍牆陰不共
靈芸唾還同卓氏吟冰綃休更拭相對自沾襟

小院無人處亭亭只自芳久知憐薄命未敢關新粧怨極
全銷盤愁多不解香蛾斜空淡掃羞入合歡堂

粉暈寒都褪檀心恨易灰秋風憐瘦影隨意委萼本色
淡如許幽歡期不來夜深燒燭燼蠟淚亦成堆

尋菊同家蓮浦

世敦 蕭雲 沛澤 雨茂才賦

黃花無恙慰相思覓向西風落葉時晚節聲名常自晦幽

卷一

六

人蹤跡本難知蕭疎籬落居應在黯淡烟光路欲迷見說
樊川移住近可能乞與兩三枝

蛸蜺肥候泛精林擔槿相隨渡野塘臨出門時逢細雨到
無人境有新霜芒鞋竹杖此生事曲徑疎林何處香不惜

帽簷款壓損滿頭歸去笑顛狂

殘菊

瘦影渾無奈西風入捲簾年華三徑晚歸思九秋淹舊夢
尋籬落餘香惹帽簷芳菲從此盡珍重一相拈

小院霜飛後深林月落初田園花事歇樽酒故人疎憔悴
依騷客荒涼帶敝廬猶應將翠竹寂寂悟真如

落葉

陡覺西風緊飄零思不禁空山聞急響淡月見疎林天尚
憐幽草人誰憶綠陰祇應搖落處板闕歲寒心

閑屬

澄霄萬里靜一鴈響汀洲星月忽然皎關山何處秋樓頭
紛落葉天外有孤舟余亦離羣久蕭蕭永夜愁

家翥雲過話

閒居張仲蔚門徑滿蒿萊失意看餓鳥相思到早梅不逢
良友至那得悶懷開拚與傾家釀看君覆掌杯

懷趙羽可達儒茂才

卷一

七

有美人如玉聰明絕勝子相邀圖景宿君近爲天文推步之學豈屑
註蟲魚獨樹臨風靜荒池浸月虛思君常永夕相憶定何

如

夜坐

龜殼支牀穩鰓鬚稱牖垂風燈搖獨影霜樹落枯枝坐久
親爐火愁深怯鬢絲拈豪頻得句書罷欲貽誰

閣上望山雪憶心一上人

新雪如殘雪霏微不滿山晨光明紙閣暮色冷松關淨映
疎林出寒侵獨鳥還遙憐石巖寺禪榻久虛閒

冬晚野望

雀噪稻場空荒村吼朔風寒烟籠水白野燒接天紅日落
銜孤岫雲歸帶斷鴻興闌頻徙倚疎磬出琳宮

夜坐

瓶裏梅花影有無水沉香爐博山孤好書未盡留殘燭難
字多忘失寶珠藥爲勤丸名漸熟棋因嬾劫局常輸中宵
側聽飛鴻響第一關心歲月徂

除夕

體勢年增病生涯日就貧籌觚煩弱弟藥裹累慈親玉漏
沉沉夜梅花細細春明燈張綺席行樂爾何人
生菜堆盤粉荔香絲雞蠅燕送年光筵前却恐傷親意先

卷一

八

酌屠蘇獻壽觴

立春日小飲

昨夜已東風風吹雪漸融人家烟景裏心事水聲中臘酒
花蘂碧春盤菜甲紅爲歡須及早何用畫虛空

邨外卽目

昨夜前邨雨朝來漲滿溪白雲離樹立黃鳥近人啼一徑
落蜂蕊誰家香燕泥酒旗風弄影颺過小橋西

蝶

頻來芳草地易散落花風只解尋香切何曾惜豔空驚魂
同伯起活計學秦宮春色堂堂去憐渠尚夢中

麥秋苦雨

日昨游陵陂愛此千頃麥爭先梅子黃畧後桑葚赤飽將
噎鳩吭稠可藏鴉翻似聞林端鳥催刈聲正迫誰家婦與
姑青巾抹橫額朝穫不終畝擔歸半狼籍其餘尚在田欲
往日已夕從此簷溜聲三日未斷滴溝中蛙黽雄往來競
跳躑陰霧重鬱蒸蝸涎滿籬壁惡溼麥性然詎堪浸宿昔
廣場如束薪覆苦亦何益所望歲月勤四序更遷易成難
敗輒易天公故相忌但命屏翳收何須借霹靂始識農家
言淺語深閱歷收麥如救火未雨信良策吾儕常素餐安
坐不須展高生漂豈知宓子棄可惜卻復懷杞憂耿耿未
易釋前潦後必枯驕陽六月赫此語如信然斯人豈安宅
已判麥季徵終期稻孫碧

積雨遣悶

出梅入梅梅未炎枝頭尚見青纖纖芭蕉浸透失新綠櫻
桃爛墜無餘甜江南澤國異氣候重陰不散天如黔池暗
久看螢火定壁明忽見蛸涎黏閒窗展快不終卷意氣慘
淡誰能快體中豈有不佳處隱憂未免私窮閭膏澤前盈
後易竭所恐震霖今時兼入秋轉絕老農望今春况少豐
年占我聞歲有分龍日勤情一掬垂胡髻或屯其膏或澍
費傷惠豈必殊傷廉搖髮一滴水一尺敢從天津干森嚴

卷十

九

龍乎龍乎曷不歸向深淵潛頃刻放出朝陽逞百物腐敗
那暇惜但令禾稼毋多淹既秀既實如排籤十日一拜甘
霖霑

雨後季溪橋上玩月

日暮投宿處已滿座上客入門問行李猶有幾兩屐對窻
一燎衣不遑理敝策信步登溪橋林巒淡將夕暝色下層
巖溪烟疊如積倏忽與之交遙空混一碧俯瞰指橋影落
水如渴虹仰見天上月飛掛東南峯流光泝空明萬象深
玲瓏夜久羣籟息古洞生清風淅淅如有人應是琴高公
欲往從之游赤鯉駢白龍僕夫走相促琴聲聽未終啞啞
荒雞鳴茅屋燈光紅

卷十

十

酷暑雜言

天遣祝融作酷吏炎曦燒空火雲熾焦金爛石無子遺毛
髮未熱心先悸身所不得口欲言聊借筆墨書快事安得
仙人驂玉鸞清都紫府生夜寒金銀爲宮闕七寶爲欄杆
披五銖之衣戴九雲之冠琳腴石髓貯金甕紅醅碧藕供
玉盤與我同聽浩露秋霜曲贈我以飛雪之散元冰丸不
則豪華盛會金閨彥道暑頻開河朔讌案上閒堆一尺冰
堂前白蓮七輪扇浮瓜沉李無時無那識騎陽似爐炭更
不然亦有娛情坐硯北避世樓牆東孫綽庭中松一樹羅

含宅內蘭數叢撥幽芳而蔭喬木釣游鯉而弋高鴻世間
快事乃有此神仙富貴將毋同胡爲乎挾書冊裏章縫奔
走囑死心忡忡吾愛嵇叔夜又懷阮嗣宗平生多少不堪
事何須自入禪襦中俯仰徒作可憐蟲今旣不能餐霞吸
露登蓬萊又不能築香堦開與冰井臺但思東頭竹篠飲
惟有散髮狂歌歸去來

雙谿

眼界雙流豁飛虹滿鏡秋平添荻苗水半浸蓼花洲魚步
沿溪網人家夾岸樓臨風獨惆悵名士古宣州

一道通閩閩人烟乍有無柳陰魚自聚沙港鴨相呼渡舫

卷一

七

輕編竹樵薪細束蘆高吟如畫句流韻滿平蕪

鼇峯對月憶家

石磴迂廻上危亭枕女牆一方人在水萬戶月如霜夜氣
浮山動秋聲帶樹長爲看親舍近應念葛衣涼

歸燕

羨爾雙棲久依然萬里歸秋風催木葉同向塞垣飛舊壘
留將補新雛各自肥相逢孤雁語好囑避虞機

溪橋玩月

長橋如落虹影卧碧溪裏遙山生暮烟不辨蒼與紫月出
天宇開皎徹鏡潭底流光汎崇蘭寒香落桂子酌酒月滿

杯同看忽在水圓靈不可掬風漣散數綺笑人渺何處白
露溼芳芷

早起

一夜檐前雨新涼透曉棉片雲粘岫白叢竹過溪青吟吹
熱蛙稻魚吹開沼萍釣簾移淨几隨意寫黃庭

秋老

追涼能幾日白露已淒其秋老蒼聲急夜長燈影知更無
行樂處多是坐忘時鵲隙西風入蕭蕭動鬢絲

秋日感懷

瑟瑟涼颿敗沼荷盈盈冷露溼庭莎年華見樹悲如此心

卷一

七

緒聞歌喚奈何病後衣裳勞檢點餘門巷少經過秋來
雅有扁舟興欲向吳江覓釣蓑

側身天地合多憂况復窮途值暮秋知已分難誰說項蓬
人計拙莫依劉乘風燕雀高飛急蓄水魚龍永夜愁別有

傷心聽不得一聲長笛月當樓

少小雄心孰後先滄江歲晚我猶眠懷人碧草三千里墮
地紅塵二十年句曲春光衣上酒秣陵秋色夢中烟消磨

半世爲形役虛讀南華第一篇

不緣寂寞草元文欲學君苗筆硯焚名士自來如畫餅美
人多半作行雲青山有約成千古明月誰家占二分剩把

狂歌與痛哭逃禪猶恐落聲聞

落日西風鬢影寒半爐沉水一蒲團文章舊業成雞肋身
世空時付鼠肝結習如花看灑落交游剩竹報平安酒旗
歌扇當年事都作楞伽幻相看

由來臧穀等亡羊婆做金空夢一場自分數奇休問卜尋
思孽少不焚香時將彩筆題桐葉更簇銀燈照海棠佳醞
滿瓶書滿架判教心事付滄浪

蘭石懷古

昨過烏溪嶺嶺有桓侯廟今來蘭石山戰場事往二千載靈魂
毅魄如往還咸和主幼國步蹙大舅小舅皆碌碌歷陽豎

卷一

七

子徵不來天狗墮地聲如雷敢向山頭望廷尉兵經紫極
臺省沸桓侯卷甲趨石頭五表陳師盛意氣進戰不利還
屯涇視死如歸已無二此時健者俞將軍摩挲寶劍看血
痕桓侯不負國肯負桓侯恩此語慷慨今如聞一夫當關
兩驂殪鬼雄怒吼天爲昏桓侯踰年亦糜殉繫鞭地下猶
主臣噫吁噓雲指萬春矢爲主捐軀並如此人心忠佞
難等論勸降乃有神長史典午風流實診孽高牙大纛皆
鼠竊汗人可嘆元規塵落施堪笑茂宏飾當時名位徒悠
悠誰信將軍心似鐵桓公祠下衰草荒嶺雲如旆空飛揚
將軍雲初尚繁衍歲時俎豆燭烝嘗白湖蕭蕭咽流水紫

山兀兀明斜陽下家父子青溪柵三處同焚一瓣香
青弋江樵歌

南上涇川接賞溪溪淡烟疎雨漲平堤落花片片船頭過知
有春光在水西

沙洲拾鷺馬蹄樣琴客寄魚龍鬣名自蒸松枝將煮酒江
鄉風味過清明

細石苔紋似若耶秋林橘柚幾人家順風香氣鄰船送載
得滿船宣木瓜

帆檣估客集澄淵時有呼來賣酒舡鴨脚堆盤堪入饌雞
頭滿把不論錢

卷一

八

石磯分峙岸西東碧水灤洞一鏡中安得人生盡如許馬
頭無處不相逢馬頭磯名

前緯後緯腰膝酸長篙短篙如矢攢歸舟過此便愁絕要
上三門六刺灘

閒敲白石掛青蓑水國年豐樂事多出便駕船歸荷鋤大
農陂上聽秧歌

他江縱比此江深不及江波徹底清爭怪儂家江上住年
年風浪不曾驚

求是堂詩集卷二

哀蟬集

涇縣 胡承珙 墨莊

悼亡詩

六七年來春共秋用韋莊句春花秋月憶粧樓早知相守無多

日回首浮雲悔浪游

蝦蟆衣葉滿筠籠采采何人笑語同正是桃花新結子可

容平地五更風

鹿車鴻案事都休敢望同心到白頭但使彌留嘗藥餌也

教不枉嫁黔婁

左家嬌女不勝癡索母煩煩繞舊帷愁聽旁人相誑道阿

卷二

娘誓去不多時

頻年杼軸出寒檠布襪青鞋手製成忽漫風聲裂窗紙續

麻真觸舊人情

秋風幾度鍛輕輪射雉無才一笑難今歲滄江高卧晚牛

衣誰識仲卿寒

尺幅溪藤手自裁簪花仿格付粧臺而今燈影寒牕裏更

有何人問字來

繡簾風細聽煎茶更淪紅泉課浣花一自雙棲成折翼小

圓誰共種胡麻

曾將五勝卜虛盈噩兆無端骨暗驚細揣德容無死法是

儂命薄不關卿

空房慣怯可憐生况復茫茫弱魄輕曾伴小姑教刺繡夜

臺相遇可偕行子四妹於去年天亡

返魂香細渺難期續命會無五色絲刺取一奩紅豆子泉

臺何處著相思

悲遠

名山攜手素心違陌上香車事亦非十載茹齋猶剩白五

更纖素已停機棲壺兒小無多伴具殮家貧只舊衣同穴

百年終有日夜寒休自倚泉扉

情魔受劫總空華隱几維摩未有家不奈秋風吹髣髴更

卷二

看明月上窗紗其緣枉訂三生石仙路虛逢八月槎留得

藥爐經卷在祝卿先證妙蓮花

七夕有感

烏鵲梁成玉漏催生離底事久徘徊但教隔水人猶在一

世何妨不見來

中元爲亡妻設奠口占

謝女空庭竟不歸施燈設食是耶非紙錢化作青蝴蝶應

向斷腸花上飛

過外舅宅作

漫將弱息配王郎掌上明珠碎夜光腸斷箇人平日語願

郎恭敬莫相忘

東廂無語夜沉沉
翁姥相看淚滿襟
贈與薄情遺念物
嫁時留下舊犀簪

續悼亡詩

零落池中並蒂蓮
空房一到一凄然
拾釵撚線依稀事
何處思量不可憐

繡佛常拋布施錢
爲祈母壽想夫憐
而今兩地相思淚
滴何能到九泉

帝鳥巢毀祇完胎
待哺啾啾事可哀
黃穉倩人相代着
思兒曾否夜深來

卷二

三

十年未繫看花驂
擁絮情懷共苦甘
從此狂奴忘宿志
五陵裘馬欲生慙

鈿雀銀蟬委宿塵
可憐風月不常新
寶釵尚有書堪寄
未信秦嘉是恨人

一卷楞伽靜裏持
蕭蕭禪榻鬢成絲
魂歸那覓郎居處
無復書聲似舊時

雪色疎櫺久不開
粉奩脂盞半生埃
惟餘三五圓時月
猶照盤龍舊鏡臺

蕭蕭春色上梅花
小折親拈貼鬢鴉
隔歲不知人已去
數枝疎影自橫斜

乍拂凝塵尊竟牀
輕絳布被情誰裝
夢同一夜寒如水
試道相思長不長

長相思被中綿也古詩著以長相思

冰垂玉筍千條淚
燭燼銀花一寸灰
夢裏相逢猶有恨
雙眉愁鎖不曾開

空懷荀粲悲愁意
曾少高柔愛玩心
幾爲微言頻斂黛
一回追憶一沾襟

圓形薛媛不勝情
辛苦還應較瘦生
未把丹青描小照
却從何處喚卿卿

檀痕黛色太離迷
彩筆描蛾八字齊
今日影堂供栗主
不堪和淚手親題

卷二

四

一盞薑橘味初調
常伴蠶筵慰寂寥
莫性窩錢焚較少
郎家生計益蕭條

百年信誓總成陳
記取人間未了身
若使轉輪王信有
臂環眉鈿是前因

愁懷幾積千般事
欲語無從喚奈何
女未垂髫兒未齔
長眠累我不眠多

冬夜悼感

歲月日以短憂思日以長
芳枝隕朔吹密林凋繁霜
衆鳥各有侶歸飛羣迴翔
夕陰下簷隙孤燈生圓光
永懷死生感淚盡神愈傷
隱几不能寐執卷如有忘
偶然遣懷抱忽

爾摧心腸幽明理已隔焉能知其鄉惟餘鍼線跡留我寒
衣裳銜悽自終夜萬念徒徬徨

雜感

別鶴初彈已碎琴那堪腹疾更秋霖窗前忽長相思樹枕
上猶遺共命禽敲斷玉釵人不見盼窮金枕信常沉口脂
面藥俱黃土留得當年結髮婆

震盪無地覓仙丸欲問鴻都術更難三寸舌存誰爲視九
迴腸結不能寬綢繆小印花長謝宛轉清歌月已殘懊煞
黃雞輕唱曉教人無夢到槐安

記得

卷二

五

殘年風雪獨坐塊然柱絕奩空淒涼滿目同思往
日閨房中事歷歷如在目前記憶所得援筆存之
噉殺之音殊無倫次第以語出傷心詞皆實紀苟
有覽者亦猶見不忘簪履之意云爾

頻年蒲柳怯秋初蟻鬪驚聞榻墮虛記得病眸清徹夜伴
人風雨紙窗疎

蒲帆一幅石頭城屢卜油花兆未成記得輕裝費料理中
宵刀尺響錚錚

閒隨女伴祝鍼神采勝香花色色新記得踏青催製履問
郎雲轂可宜春

烏皮小几臨軒置翠幃疎簾隔牖垂記得連城攜小鎮蠻
箋重疊界烏絲

名裘倚酒事全乖二十生年故紙埋記得空囊羞澀日買
書曾累質金釵

微寒小閣又黃昏若冷香殘欲斷魂記得圍爐聞栗爆驚
看繡褥有焦痕

蛛絲鼠跡滿粧臺金縷衣箱慘不開記得燈前遶象戲輸
將約指兩三枚

嬌兒都看破衣裳始羨人家繡襦裝記得去年端午日爲
兒親繫紫羅囊

卷二

六

除夕

爆竹聲殘一歲終椒盤守歲與誰同屠蘇獨酌杯浮綠商
陸頻添火熨紅此日藏驅猶有恨當年抱鏡已成空何須
鶴髮雞皮日始信人生似夢中

閒庭寂寞意無那轉怕逢人強意多栢子爐烟空篆繞梅
花燈影奈愁何奩空尚認宜春字絃斷休翻子夜歌長命
杯觴親暖火一生活事兩蹉跎

和家元峯

承齋

廣文兄悼亡

微吟洗馬謗言愁畢竟相偕已白頭更有傷心羊長史不
禁枵觸淚雙流